

Ed.

857. Nefndarálit

um frv. til laga um gagnfræðanáám.

Frá menntamálanefnd.

Frumvarp þetta er einn liður í skólakerfi því, sem millipinganefndin í skólumálum lagði til, að lögfest yrði og var, eins og önnur frumvörp millipinganefndarinnar, flutt af meiri hluta menntamálanefndar neðri deildar að beiðni menntamálaráðherra. Voru nokkrar breytingar gerðar á frumvarpinu í þeirri deild.

Sumir nefndarmenn menntamálanefndar þessarar deildar yfirfóru þetta frv. og fleiri skólafrumvörp í samvinnu við menntamálanefnd neðri deildar, og auk þess hefur nefndin athugað frumvarpið nú og átt tal um það við fræðslumálastjóra og þann af nefndarmönnum millipinganefndarinnar, sem sérstaklega er kunnugur gagnfræðaskólunum, séra Ingimar Jónsson skólastjóra.

Nefndin getur yfirleitt fallið á frumvarpið eins og það er komið frá neðri deild, að undanskilinni breytingu á 10. gr. c-lið, um skipun kennara og skólastjóra. Þá telur meiri hlutinn breytingarnar, sem gerðar voru á 61. og 62. gr., ekki til bóta og leggur til, að þær verði færðar í sitt fyrra horf. Loks leggur nefndin til, í sambandi við breytingartillögu sína við 10. gr., að settur verði þar inn nýr liður, er heimili skólanefndum að ráða kennara (þar með taldir skólastjórar) um stundarsakir. Getur þetta oft verið nauðsynlegt, ef snögg forföll koma til. Getur og verið hentugt að ráða kennara til bráðabirgða, t. d. 1 skólaár, áður en fullráðið er um starf hans við skólann.

Ákvæði 39. greinar um orlof kennara 10. hvert ár, ef þeir óska og uppfylla skilyrði, er að visu æskilegt út af fyrir sig. En þó þykir sumum nefndarmönnum orka tvímælis, hvort þessi ákvæði séu heppileg hér. Þá bendir og M. J. á, að ákvæði síðasta málsliðar 1. mgr. 56. gr. sé í ósamræmi við það, sem samþykkt var í frv.

um barnafræðslu. Skrifar hann undir nál. með fyrirvara í sambandi við breytingar-
tillögur í þessa átt.

Einn nefndarmanna (HG) hefur þegar borið fram breytingartillögu um
kennslustundafjölda kennara.

Einn nefndarmanna (JJ) tók ekki þátt í endanlegri afgreiðslu málsins.
Nefndin leggur því til, að frv. verði afgreitt með eftirfarandi

BREYTINGUM:

1. Við 10. gr.
 - a. c-liður greinarinnar orðist svo: Að láta fræðslumálastjórn í té rökstutt álit á umsækjendum um kennara- og skólastjórastöður ásamt tillögu um, hver skuli valinn, svo og vara- og þrautavaratillögu, ef nægilega margir sækja um stöðurnar.
 - b. Á eftir c-lið kemur nýr liður, er verður d-liður og svo hljóðar (staflíðir breytast því samkvæmt):
 - d. að ráða kennara um stundarsakir, ef þörf krefur.
2. Við 61. gr. Greinin orðast svo:

Skólar gagnfræðastigsins eru sameign ríkisins og hlutaðeigandi sveitarfélaga.

Nú leggst skóli niður samkvæmt tillögum gagnfræðaráðs og að fengnu samþykki fræðslumálastjórnar, og skulu þá skuldlausar eignir hans skiptast milli aðila í sama hlutfalli og stofnkostnaður var greiddur.
3. Við 62. gr. Við greinina bætist: Tekur ríkið og hlutaðeigandi sveitarfélag við eignum þeirra, réttindum og kvöðum án endurgjalds. Hlutdeild ríkisins og sveitarfélaganna í eignum þessara skóla skal vera í sama hlutfalli og framlög stofnkostnaðar samkvæmt lögum þessum.

Alþingi, 15. apríl 1946.

Magnús Jónsson,
form., frsm.

Eiríkur Einarsson,
fundaskr.

H. Guðmundsson.

Ásmundur Sigurðsson.